



REPUBLIKA E SHQIPËRISË  
AVOKATI I POPULLIT



Adresa: Bulevardi: "Zhan D'Ark" Nr.2  
Tiranë, Shqipëri

Tel/Fax: +355 4 2380 300/315  
E-mail: [ap@avokatipopullit.gov.al](mailto:ap@avokatipopullit.gov.al)  
[www.avokatipopullit.gov.al](http://www.avokatipopullit.gov.al)

Nr. 108/2 Prot.

Tiranë 19/04/2017

**Lënda:** Mbi kërkesën për rihapje të thirrjes së interesit për kandidaturat nga radhët e avokatisë, për Këshillin e Lartë të Prokurorisë.

**Drejtuar :** Sekretares së Përgjithshme,  
në Kuvendin e Shqipërisë  
Zj. Albana SHTYLLA

Tiranë

E nderuara zj. Shtylla,

Në përgjigje të shkresës suaj nr.1161/1 datë 12.04.2017, drejtuar Avokatit të Popullit, ju informojmë se:

- Komisioni "Ad Hoc", për verifikimin dhe vlerësimin paraprak të kandidatëve nga radhët e avokatisë, për anëtarë të Këshillit të Lartë të Prokurorisë, në ushtrim të kompetencave të tij ligjore dhe në mënyrë kolegjiale ka vendosur në mbledhjen e tij, të datës 10.04.2017, që t'ju drejtohej me një shkresë, për të rishpallur thirrjen për paraqitjen e shprehjeve të interesit për avokatët për paraqitje kandidature, për Këshillin e Lartë të Prokurorisë, sipas parashikimeve të nenit 117, të Ligjit nr.115/2016 "Për organet e qeverisjes së sistemit të drejtësisë". Shkaku ligjor ka qënë konstatimi se numri i kandidatëve të paraqitur nga radhët e avokatisë dhe që plotësojnë kriteret ligjore për anëtarë të Këshillit të Lartë të Prokurorisë, pas vlerësimit paraprak të kandidaturave të paraqitura është më i ulët se minimumi i mundshëm i parashikuar nga ligji. Lidhur me këtë vendimmarrje dhe në përgjigje të kërkesës suaj, po ju bashkëngjisim një kopje të proces-verbalit të mbledhjes së datës 10.04.2017, të Komisionit "Ad Hoc".
- Njëkohësisht ju bëjmë me dije se, nuk jemi njoftuar as nga kandidatët dhe as nga gjykata kompetente brenda afateve procedurale të përcaktuara nga Ligji nr.115/2016 "Për organet e qeverisjes së sistemit të drejtësisë", për ankesa të paraqitura nga kandidatët, pas përfundimit të procedurës së verifikimit paraprak nga ana e Komisionit "Ad Hoc".



Në këto kushte mendojmë që, për ecurinë normale të procesit është e nevojshme të rishpallet thirrja për paraqitjen e shprehjeve të interesit për avokatët, për kandidatë, në Këshillin e Lartë të Prokurorisë, sipas parashikimeve të nenit 117, të Ligjit nr.115/2016 "Për organet e qeverisjes së sistemit të drejtësisë". Ndërkohë kemi theksuar faktin se kandidaturat që kanë plotësuar pas verifikimit dhe vlerësimit paraprak kriteret ligjore, do të mund të konsiderohen të vlefshme dhe ti shtohen kandidaturave të reja, që do të përzgjidhen pas rishpalljes për shprehje interesi nga ana e Kuvendit të Shqipërisë.

Duke besuar në mirëkuptimin dhe bashkëpunimin Tuaj,

AVOKATI I POPULLIT

Igli TOTOZANI

